

REGLUGERÐ

um breyting á reglugerð nr. 351, 24. september 1992,
um veiðisvæði við úthafsækjuveiðar.

1. gr.

2. gr. reglugerðarinnar orðist svo: Þrátt fyrir 1. gr. eru rækjuveiðar heimilaðar á svæði í Héraðsflóa inn að línu, sem dregin er frá Bjarnareyjarvita í Ósfles. Að norðan markast svæðið af línu, sem dregin er réttvísandi austnorðaustur frá Bjarnareyjarvita og að sunnan af línu, sem dregin er réttvísandi austnorðaustur frá Ósfles.

2. gr.

Reglugerð þessi er sett samkvæmt ákvæðum laga nr. 38, 15. maí 1990, um stjórn fiskveiða til þess að öðlast gildi 25. nóvember 1993 og birtist til eftirbreytni öllum þeim, sem hlut eiga að máli.

Sjávarútvegsráðuneytið, 24. nóvember 1993.

Þorsteinn Pálsson.

Jón B. Jónasson.

AUGLÝSING

um undanþágu frá reglugerð nr. 268/1993 um varnir gegn mengun af
völdum klórflúorkolefna (CFC) og halóna.

Í samræmi við 8. gr. reglugerðar nr. 268/1993 um varnir gegn mengun af völdum klórflúorkolefna (CFC) og halóna og að fenginni umsögn Hollustuverndar ríkisins er veitt undanþága til 31. desember 1993 frá 3. gr. reglugerðar nr. 268/1993 til sölu á halón 1211 sem flutt var til landsins fyrir 1. ágúst 1993 enda er efnið ætlað til bráðanotkunar.

Auglýsing þessi öðlast þegar gildi.

Umhverfissráðuneytið, 19. nóvember 1993.

F. h. r.

Magnús Jóhannesson.

Sigurbjörg Sæmundsdóttir.